

子产论政宽猛昭公二十年

左 传

郑子产有疾、谓子大叔^{游吉也}曰、我死、子必为政。唯有德者能以宽服民、

其次莫如猛。^{两语、是子产治郑心诀。}夫火烈、民望而畏之、故鲜^上死焉。^{以火喻}水懦弱、

民狎而玩之、则多死焉。^{以水喻}故宽难。^{非有德者不能。○玩其次字、宽难字、便见宽为上、不得已而用猛。而用猛正是保民之惠处、此自大经济人语。}疾

数月而卒。大叔为政、不忍猛而宽。^{著不忍二字、便见是妇人之仁、非真能宽也。}郑国多盗、取人于萑桓、苻

之泽。^{取人、劫其财也。萑桓、泽名。}大叔悔之、曰、吾早从夫子、不及此。^{夫子、谓子产。}兴徒兵

以攻萑苻之盗、尽杀之。盗少止。^{著尽杀二字、便见是酷吏之虐、非善用猛也。}仲尼曰、善哉。^{叹美子产为政。}政

宽则民慢、慢则纠之以猛、猛则民残、残则施之以宽。^{宽猛各有弊、当有以相济。}宽以济

猛、猛以济宽、政是以和。^{和字、从济字看出。}诗曰、^{大雅、民劳篇。}民亦劳止、汔^胖可小康、

惠此中国、以绥四方。^{止、语辞。汔、其也。康、绥、皆安也。言今民亦劳甚矣、其可以小安之乎。当加惠于京师、以绥安夫诸夏之人。}施之以宽也。^{引诗释}毋

从去声、诡随、以谨无良、式遏寇虐、惨不畏明。诡随、谓诡人随人、心不正者。谨、敕也。式、用也。惨、曾也。言诡随者不可从、以谨敕不善之人、用遏止

此寇虐、而曾不畏明法者。纠之以猛也。引诗释柔远能迩、以定我王。柔安远人、使之怀附、而近者各以能进、以安定我王室。平之以

和也。平字、是宽猛相济处。○引诗释和。○一诗分引释之、便见政和。是宽猛一时并到、不可偏胜也。又曰、商颂、长发篇。不竞不絺、求、不刚不柔、

布政优优、百禄是遒。竞、强也。絺、急也。优优、和也。遒、聚也。言汤之为政不太强、不太急、不太刚、不太柔、优优然而甚和、故百种福祿皆遒聚也。和之至也。引诗叹和之

至、见得和到极处、而宽猛之迹俱化、进一层说。及子产卒、仲尼闻之出涕曰、古之遗爱也。以子产之猛为遗爱、阐微之论。

子产不是一味任猛。盖立法严则民不犯、正所以全其生。此中大有作用。太叔始宽而继猛、殊失子产授政之意。观孔子叹美子产、而以宽猛相济立论、则政和、谅非用猛所能致。末以遗爱结之、便有分晓。